



partii naleraq

UKA2015/113

21. oktober 2015

Inatsisartut suleriaasiann § 33 naapertorlugu Inatsisartuni Ilaaosrtap Aqqaluaq B. Egede imaattumik siunnersuuteqarpoq:

Naalackersuisut oqartussaaffiit nunatsinnut angerlaassassarineqarsinnaasut ilanngussaq 1-imi allassimasut Namminersorlutik Oqartussat inatsisaani allassimasuni suliassa qarfiit pineqartut pillugit Naalackersuisut nalunaarusioqqullugit peqquneqarnissaanik Inatsisartuni aalajangiiffigisassatut siunnersuut. Nalunaarusiaq, kingusinnerpaamik UPA2018-imi Inatsisartunut saqqummiunneqartussanngortitassaq, suliassa qarfiit ataasiakkaani tamani tulliuttunik nalunaarsuiffiussapput:

- a. Suliassa qarfiup ingerlanneranut ullumikkut Naalagaaffimmut qanoq akeqarpa, Kalaallit Nunaannullu qanoq akeqassava illersorsinnaasumik suliassa qarfik ingerlatissappagu?**
- b. Suliassat ingerlannissaani piginnaasat suut eqquutsinneqassappat, Kalaallit Nunaanni Namminersorlutik Oqartussat suliassa qarfik ingerlanneqartumik illersorneqarsinnaasumik ingerlatsissaguni?**
- c. Ilaaqtigineqartussat pitsaanngequtillu suliassa qarfiit ingerlanneqartut angerlaannerini suut kingunerissavai?**
- d. Suliassa qarfiit ingerlanneqartut angerlaannissaanni suliassat piffissami sivikitsup iluani, piffissami akunnattup iluani imaluunniit piffissap sivisuup ingerlanerani sularineqarlutik tulleriissarneqarnissai Naalackersuisunit ingerlanneqartussaasorivaat?**

(Inatsisartunut ilaasortaq Aqqaluaq B. Egede, Inuit Ataqtigiit)

Tamannalu Partii Naleqqamiit imaattumik oqaaseqarfigissavarput. Una Naalackersuisunut nalunaarusioqqusineq aallaaveqarpoq 2008-mi inuiaat 76%-iisa akuerisaannik 2009-mi namminersornermut ikaarsarnitsinnut taasititsineq. Tassani akisussaaffiit assignngitsut, pisortatigoortumik 32-nik amerlassuseqarnerakkat akisussaaffiit tigusassat immikkut kakkiullugit allattorsimaffeqarput.

Siunnersuutip siunertaa anguniagaalu aalajangersariikanut naapertuulluinnarmat tapersorsornagaarmallu annertunerusumik oqaaseqarfiginagu tamakkiisumik siunnersuut tapersissavarput, taamaattorli aamma Oktobarip 13-iani tunngaviusumik inatsisiornissamik isumalioqatigiissitaliortoqarnissaa aamma amerlanerussuteqarluartut akuerinikummassuk ataatsimiititaliami sulinerminni ilanngullugu kaammattuerusuppugut ilaatigut isumalioqatigiissitap suliaanut attuumassuteqarsinnaammat isumalioqatigiissitap suliassatut ilanngullugu

nalilersorneqassanersut. Tassani nalilersugaasariaqarluinnartut ilagaat qanoq ingerlatseriaaseqassanersugut, tassami ukiorpassuarni ingerlatseriaatsip inuiaqatigiinnut qanoq naleqqutinngitsiginera eqqartortuannuarlugu assigeqqinnaavanik maani angerlaassisarnikuugatta ilaatigullu immitsinnut inorseqattaalerluta. Qissimigassallu ilagisariaqarpaat assersuutigalugu savalimmiuni angerlaassuinerminni qanoq imminnut naleqqussaasarsimanagerat, soorlu imarsiornermi nakkutilliisoqarfianik aammalu inuussutissarsiornermi spiginneqatigiiffinnilu nakkutilliisoqarfiup Savalimmiunut angerlaanneqarnerani imminnut naleqqusaasimanagerat. Sualummik kingulliup taasatta merserisaarisarsimanerni ersareqigami uagutsinnungaasiit naleqqutinngilluinnartumik iliuuseqarniarsaritinneqarsimagaluartungunaasiit. Taamaattumik tamakku tamaasa ilanngullugit ataatsimiititaliami nalilersuinermi tunngaviussasut Partii naleqqamiit kaammattuutigissuarput.

Qujanaq